

〔續日本後紀<sup>仁一</sup>〕天長十年二月庚午左京人圖書頭從五位上秋篠朝臣雄繼右京人散位從七位上秋篠朝臣吉雄賜姓菅原朝臣

〔續日本後紀<sup>仁四</sup>〕承和二年十一月戊戌近江國人彈正大弼島朝臣眞行賜姓高生朝臣其先觀松彦香殖稻天皇<sup>昭孝</sup>之後也

〔三代實錄<sup>清六</sup>〕貞觀四年三月己巳朔右京人左大史正六位上眞神田朝臣全雄賜姓大神朝臣大三輪大田田根子命之後也

〔三代實錄<sup>清九</sup>〕貞觀六年八月十七日辛未右京人散位從五位上讚岐朝臣高作右大史正六位上讚岐朝臣時雄右衛門少志正六位上讚岐朝臣時人等賜姓和氣朝臣其先出自景行天皇皇子神櫛命也

〔續日本紀<sup>稱德二十九</sup>〕神護景雲三年五月乙未從五位下吉備藤野和氣眞人清麻呂等賜姓輔治眞人外從八位上吉備藤野宿禰子麻呂從八位下吉備藤野宿禰牛養等十二人輔治能宿禰近衛無位吉備石成別宿禰國守等九人石成宿禰

〔續日本紀<sup>桓武三十八</sup>〕延曆四年五月戊戌右京人從五位下昆解宿禰沙彌麻呂等改本姓賜鴈高宿禰〔伊呂波字類抄<sup>不</sup>〕文屋

大同四年正月右衛門督兼右京大夫播磨守綿麻呂改本姓三諸朝臣賜三山朝臣姓同六月改三山賜文室朝臣姓

〔續日本後紀<sup>仁一</sup>〕天明十年二月丙戌右近衛將曹伴林宿禰御園等四人賜姓伴宿禰〔續日本後紀<sup>仁四</sup>〕承和十一年十月庚辰左京人玄蕃助從六位上日置宿禰眞淨造輪田使主典大初位上繼大初位上國長大初位上益繼无位淨海等賜姓三統宿禰

〔續日本後紀<sup>仁八</sup>〕承和十五年三月庚申朔河內國河內郡人大初位下秦宿禰世智雄賜姓朝原宿禰